



АҚПАРАТТЫҚ ХАБАР

2017 жылғы 13 қыркүйек

ҚР Ұлттық Банкінің Төрағасы Данияр Ақышев Цифрландыру мәселелері бойынша республикалық кеңеске қатысты

ҚР Ұлттық Банкінің Төрағасы Данияр Ақышев бүгін Астана қаласында Мемлекет басшысының қатысуымен өткен Цифрландыру мәселелері жөніндегі республикалық кеңеске қатысты.

ҚРҰБ басшысы өзінің сөзінде қаржы саласына инновациялық технологиялар мен цифрлы сервистерді ендіру туралы айтып берді. Ол соңғы 20 жылда клиенттермен өзара іс-қимылдың арналары мен тәсілдері түбегейлі кеңейгенін атап өтті. Интернет пен мобильдік құрылғылар бұл процесте негізгі факторлар болды.

«Бүгінгі күні іс жүзінде барлық банктерде Интернет банкинг жүйесі енгізілді. Жұмыс істеп тұрған 33 банктің ішінде 18 банк мобильдік банкинг қызметтерін ұсынады, олар жеке тұлғалардың бүкіл клиенттік базасының 75%-ын қамтиды. Бүгінгі күні 1 млн. жуық жеке тұлғалар банктердің мобильдік қосымшаларын пайдалануда», - деді Д. Ақышев.

Ол сондай-ақ заңды тұлғалардың барлық төлемдерінің 70%-ынан астамы және жеке тұлғалардың барлық төлемдерінің 50%-ы қашықтан арналары арқылы жүргізілетінін атап өтті. «Төлем карточкаларымен қолма-қол емес төлемдердің өсуі былтырғы жылдың 2017 бірінші жарты жылында ұқсас мерзіммен салыстырғанда 70%-ды құрады».

Қорытындылай келе ол қазіргі уақытта электрондық ақшаның да танымал болып келе жатқанын айтты: «2017 жылғы 1-жартыжылдықта электрондық ақшамен операциялардың саны 2,7 есе, көлемі 3,4 есе өсті».

Данияр Ақышев: Банктердің клиенттермен өзара қарым-қатынастары жаңа деңгейге шықты

Қазақстан банктері клиенттерге онлайн режимде 24/7/365 форматында қызмет көрсетуге біртіндеп өтуде. Бірқатар банктерде биометриялық технологиялар – дауыс бойынша тану, фотосурет немесе бейнебейне негізінде келбетті сканирлеу қолданылуда.

Бұл жөнінде ҚР Ұлттық Банкінің Төрағасы Данияр Ақышев бүгін Астана қаласында Мемлекет басшысының қатысуымен өткен Цифрландыру мәселелері жөніндегі республикалық кеңесте сөйлеген сөзінде айтты.

Қазақстандық банктердің клиенттері банк шоттарын, төлем карточкаларын, депозиттер ашу, кредит алу үшін банк бөлімшесіне келуі міндетті емес. Мұндай барлық қызметтер онлайн түрде көрсетіледі. Банктердің клиенттері әлеуметтік желілердің көмегімен төлемдер жүргізіп, өзге де қаржылық қызметтерді ала алады.

«Смартфон клиенттің банкпен қарым-қатынас жасауының жаңа арнасы болуда. Ұлттық Банк Үкіметпен және банк қоғамдастығымен бірлесіп мобильдік қаржылық қызметтерді дамыту жұмысын жүргізуде. Мобильдік құрылғыны нақты уақытта пайдалана отырып, оның ішінде мобильдік телефон нөмірімен азаматтар арасында төлемдер

жүргізуге мүмкіндік беретін мобильдік төлемдердің P2P деп аталатын жаңа буынын жасау мәселесі қарастырылуда», - деді Д.Ақышев.

Мұндай шешім, оның айтуынша, төлемдерді жылдам әрі қолайлы жүргізуге мүмкіндік береді, төлемдерді қабылдауды ұйымдастыру үшін қымбатқа түсетін инфрақұрылымның болуы да қажет болмайды.

«Ұлттық Банк, өз тарапынан, 2016 жылғы қарашада «ҚҰБ Online» мобильдік қосымшасын іске қосты, оның негізгі екі функциясы бар. Біріншіден, телефоны бар кез келген адам Ұлттық Банкке сұрақ қойып, жауапты 5 сағат ішінде өзінің телефоны арқылы ала алады. Екіншіден, қаржы саласындағы жаңалықтар мен маңызды оқиғалар шұғыл түрде жіберіліп отырады», - деді Д.Ақышев.

Ол «ҚҰБ Online» мобильдік қосымшасы жұмыс істегеннен бергі 10 айда 10 000-нан аса пайдаланушының тіркелгенін, азаматтардан 2 000-нан аса өтініш келіп түскенін атап өтті.

«Сонымен бірге Ұлттық Банк жаңа технология – халықтың бағалы қағаздарды сатып алу және сату операцияларын блокчейн негізінде жүргізуіне арналған мобильдік қосымшаны әзірлеуді аяқтады. Пилоттық жобада Ұлттық Банктің қысқа мерзімді ноттарын пайдалану қаралады. Ұсынылып отырған шешім азаматтарға онлайн режимде Ұлттық Банктің ноттарын брокерлер мен дилерлер арқылы делдалдарға жүгінбей-ақ мобильдік телефоннан сатып алуға және сатуға мүмкіндік береді. Салық пен комиссия төлемей. Абсолюттік өтімділік және иелену мерзімдері бойынша ешқандай шектеулер жоқ», – деді Ұлттық Банктің басшысы.

ҚР Ұлттық Банкі ақпаратты және қаржылық инфрақұрылымды киберқатерден қорғау жөніндегі шараларға ерекше назар аударады – Данияр Ақышев

Қаржы саласында жаңа технологияларды енгізудің басқа қыры киберқатер тәуекелдерінің артуы болып табылады. Ұлттық Банк ақпаратты және қаржылық инфрақұрылымды киберқатерден қорғау жөніндегі шараларға ерекше назар аударады.

Бұл туралы ҚР Ұлттық Банкінің Төрағасы Данияр Ақышев Мемлекет басшысы Нұрсұлтан Назарбаевтың қатысуымен бүгін Астана қ. өткен Цифрландыру мәселелері жөніндегі республикалық кеңесте жасаған баяндамасында айтты.

Д. Ақышев ақпаратты және қаржылық инфрақұрылымды қорғау бойынша жұмыс *тиімділігінің* барлық мүдделі субъектінің, алдын алу шараларының және туындаған қатерге жедел ден қоюдың өзара тығыз іс-әрекетіне қатысты болатынын атап өтті. «Қаржы жүйесін киберорнықтылығын қамтамасыз етудің басты элементтері Қазақстан Республикасының Ұлттық Банкі арқылы реттеуші, киберқауіпсіздік жөніндегі үйлестіру орталығы, қаржы нарығының қатысушылары және кибершабуылдарға қарсы тұру практикасы бар шетелдік әріптестер болып табылады», – деді ол, қойылған мақсаттарды іске асыру тетігінің қаржы нарығындағы киберқауіпсіздік тұжырымдамасында салынғанын, оның «Қазақстан киберқалқаны» Қазақстан Республикасының киберқауіпсіздік стратегиясының құрамдас элементі болып табылатынын атап өтті.

Толығырақ ақпаратты мына телефон бойынша алуға болады:

+7 (727) 270 45 85

e-mail: press@nationalbank.kz

www.nationalbank.kz